

## **ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ**

### **“Қўқон” эркин иқтисодий зонаси фаолиятини янада такомиллаштириш ва “Қўқон” эркин савдо зонасини ташкил этиш чора-тадбирлари тўғрисида**

Бизнес юритиш учун қулай шарт-шароитлар яратиш ва юқори технологияларга асосланган саноатни ривожлантириш, шунингдек, Фарғона вилоятида импорт ўрнини босувчи, ташқи бозорларда рақобатбардош маҳсулотларни ишлаб чиқариш бўйича қўшимча қувватларни ташкил этиш ҳамда “Қўқон” эркин иқтисодий зонасининг фаолиятини хорижий ривожланган давлатлар тажрибаси асосида такомиллаштириш мақсадида:

1. Ўзбекистон Республикаси Инвестициялар ва ташқи савдо вазирлиги, Иқтисодий тараққиёт ва камбағалликни қисқартириш вазирлиги, Давлат божхона қўмитаси, Давлат активларини бошқариш агентлиги ва Фарғона вилояти ҳокимлигининг:

“Қўқон” эркин иқтисодий зонасини “Қўқон” махсус саноат зонасига айлантириш;

“Қўқон” эркин иқтисодий зонаси дирекцияси” давлат унитар корхонасининг ташкилий-ҳуқуқий шаклини “Қўқон” махсус саноат зонаси” акциядорлик жамиятига (кейинги ўринларда – “Қўқон” МСЗ” АЖ) ўзгартириш;

Ўзбекистон Республикасининг Тожикистон Республикаси билан чегарадош бўлган Фарғона вилоятининг Бешариқ туманидаги “Қўқон” эркин савдо зонасини (“кейинги ўринларда – “Қўқон” ЭСЗ) ташкил этиш иловага мувофиқ;

“Қўқон МСЗ” АЖ ва “Қўқон” ЭСЗ фаолиятларини оператив бошқарув функцияси “Қўқон” махсус саноат зонаси” АЖ бошқарувчи компаниясига юклатиш ва унинг таркибий тузилмасида қўшимча 5 та штат бирликларини яратиш ҳисобига Экспортга кўмаклашиш ва импортни таҳлил қилиш бўлимини ташкил қилиш бўйича тақлифларига розилик берилсин.

Бунда, ташкил қилинадиган Экспортга кўмаклашиш ва импортни таҳлил қилиш бўлимининг асосий вазифалари этиб, “Қўқон” махсус саноат зонаси иштирокчиларининг Ўзбекистон Республикаси ва хориждаги кўргазма ҳамда ишбилармонлик тадбирларида иштирокини таъминлаш, иштирокчининг

буюртмасига кўра тижорат асосида маркетинг тадқиқотларини ўтказиш орқали уларга экспорт йўналишида кўмаклашиш, Фарғона вилоятига импорт қилинадиган маҳсулотлар турларини таҳлил қилиш орқали импорт ўрнини босувчи маҳсулотлар ишлаб чиқариш бўйича лойиҳавий таклифлар тайёрлаш ва амалга оширишга кўмаклашиш белгилансин.

2. “Қўқон МСЗ” АЖга қуйидаги қўшимча вазифа ва функциялар юклатилсин:

маркетинг, ҳуқуқий ва молиявий консалтинг, логистика, транспорт коридорлари, меҳмонхона, таълим ва кадрлар билан боғлиқ хизматларни ташкил этиш ва амалга ошириш;

“ягона дарча” принципи бўйича лицензия ва рухсат этиш хусусиятига эга ҳужжатларни, шу жумладан махсус саноат зонасининг бош режасига мувофиқ бинолар ва иншоотларни лойиҳалаштириш, қуриш, ишга тушириш, улардан фойдаланиш ҳамда ер участкаларидан фойдаланиш учун беришни ташкиллаштириш.

объектларни қуришда халқаро стандартлар ва талабларни қўллаш;

инвестиция лойиҳаларини жойлаштириш ва махсус саноат зонаси иштирокчиларига ер участкаларини бериш, шу жумладан ижара ҳуқуқлари асосида бериш масалалари юзасидан мустақил равишда қарорлар қабул қилиш.

3. “Қўқон МСЗ” АЖ бошқарувчи компанияси махсус саноат зона фаолиятининг бутун даврида давлат мақсадли жамғармаларига солиқ ва мажбурий бадалларни тўлашдан озод этилсин.

4. Белгилансинки:

“Қўқон МСЗ” АЖнинг дастлабки устав капитали қайта ташкил этилаётган “Қўқон” махсус саноат зонаси дирекцияси” ДУКнинг мулклари ҳисобига шакллантирилади;

“Қўқон” махсус саноат зонаси ҳудудида жойлашган муҳандислик-коммуникация тармоқларига хизмат кўрсатиш “Қўқон МСЗ” АЖ буюртманомаларига биноан вазирликлар ва идораларнинг тегишли ҳудудий бўлинмалари томонидан амалга оширилади;

“Қўқон МСЗ” АЖ “Қўқон” махсус саноат зонаси дирекцияси” ДУКнинг ҳуқуқлари ва мажбуриятлари бўйича вориси ҳисобланади;

“Қўқон МСЗ” АЖнинг устав капиталида давлат номидан акциядорлик функцияси Ўзбекистон Республикаси Давлат активларини бошқариш агентлиги томонидан амалга оширилади;

“Қўқон” махсус саноат зонаси иштирокчилари учун барча, шу жумладан лицензиялаш ва рухсатномалар олиш бўйича давлат хизматлари “Қўқон МСЗ” АЖ ва (ёки) Ўзбекистон Республикаси Адлия вазирлиги хузуридаги Давлат хизматлари агентлиги томонидан “ягона дарча” тамойили асосида тақдим этилади.

5. Қуйидагилар “Қўқон МСЗ” АЖ бошқарувчи компанияси фаолиятини молиялаштириш манбалари этиб белгилансин:

махсус саноат ва эркин савдо зоналари иштирокчиларини рўйхатдан ўтказганлик учун бир марталик тўловлар;

махсус саноат ва эркин савдо зоналари иштирокчиларининг ҳар ойлик ажратмалари;

“Қўқон МСЗ” АЖ тасарруфи ва бошқарувида бўлган ер участкалар ҳамда бино-иншоотларни ижарага бериш натижасида тушган тушумлар;

“Қўқон МСЗ” АЖ томонидан кўрсатиладиган хизматлар, шу жумладан маркетинг, консалтинг, логистика, меҳмонхона, таълим ва кадрлар билан боғлиқ хизматларни реализация қилишдан тушган тушумлар;

мақсадли бюджет ажратмалари;

жисмоний ва юридик шахсларнинг хайрия маблағлари;

қонун ҳужжатлари билан тақиқланмаган бошқа манбалар.

6. Ўзбекистон Республикаси Давлат активларини бошқариш агентлиги ва “Қўқон МСЗ” АЖ билан биргаликда белгиланган тартибда “Қўқон МСЗ” АЖнинг тузилмаси тасдиқланиши, таъсис ҳужжатлари, эмиссия рисоласининг рўйхатдан ўтказилиши, шунингдек, унинг органлари шакллантирилишини таъминласин.

7. “Қўқон” эркин савдо зонасининг асосий йўналишлари ва вазифалари этиб қуйидагилар белгилансин:

терминал ва транспорт фаолиятини, молиявий хизматлар инфратузилмасини ташкил қилиш;

товарлар савдоси учун қулай шарт-шароитларни шакллантириш, шу жумладан консигнация омборларини, товарларга ишлов бериш, уларни ўраб-жойлаш, саралаш, сақлаш учун майдончаларни ташкил этиш.

халқаро ва минтақавий улгуржи ҳамда чакана замонавий савдо форматларини ривожлантириш;

чегара ҳудудларида логистика хизматларининг тўлиқ спектрини ривожлантириш;

кўرғазмалар фаолиятини ривожлантириш орқали мамлакатлар бизнесининг ҳудудлараро кооперациясини яхшилаш;

чегара ҳудудларида аҳоли фаровонлигини ошириш ва иш ўринларини яратиш;

терминал ва транспорт фаолиятларини, тиббий ва молиявий хизматларни, кўнгилочар, меҳмонхона ва ресторан бизнесини, тижорат хизматлар инфратузилмасини ташкил этиш.

#### 8. Белгилансинки:

“Қўқон” ЭСЗнинг фаолият юритиш муддати “Қўқон” МСЗ фаолият юритиш муддатида ташкил этилади ва ушбу муддат кейинчалик узайтирилиши мумкин;

“Қўқон” ЭСЗ ҳудудида алоҳида солиқ ва божхона тартиблари амал қилади;

“Қўқон” эркин савдо зонаси ҳудудида яратиладиган барча бино-иншоотлар, савдо ва логистика объектлари “Қўқон МСЗ” АЖ бошқарувчи компанияси ва тадбиркорлар ўз маблағлари ҳисобига амалга оширилади;

“Қўқон” ЭСЗ ҳудудидаги ер участкалари “Қўқон МСЗ” АЖ Бошқарувчи компаниясининг тасарруфида туради ва “Қўқон” ЭСЗ иштирокчиларининг фойдаланишига инвестиция битимида мувофиқ инвестиция лойиҳаларини амалга ошириш учун “Қўқон МСЗ” АЖ Бошқарувчи компаниясининг қарорлари асосида берилади;

“Қўқон” ЭСЗ ҳудудида чакана савдо операцияларини амалга ошириш ҳуқуқи билан эркин божхона зонаси божхона режими жорий этилади. Бунда, “Қўқон” ЭСЗга олиб кирилган товарлар Ўзбекистон Республикасининг божхона ҳудудидан ташқарида жойлашган деб ҳисобланади;

“Қўқон” ЭСЗ ҳудудида товарлар (ишлар ва хизматлар) савдоси учун тўловлар ва пул ўтказмалари жорий операциялар учун эркин конвертация тамойилига асосан товарлар (ишлар ва хизматлар) учун, давлат божлари, йиғинлар ва бошқа шартли тўловлардан ташқари, хорижий валютада тўловларни амалга оширишга рухсат этилган ҳолда амалга оширилади;

“Қўқон” ЭСЗ ҳудудида Ўзбекистон Республикаси фуқаролари, шунингдек, республика ҳудудида жойлашган чет эл фуқаролари ва фуқаролиги бўлмаган шахслар тегишли тасдиқловчи ҳужжатлар асосида кириб-чиқади;

“Қўқон” ЭСЗ ҳудудига чет эл фуқаролари ва фуқаролиги бўлмаган шахсларнинг кириб-чиқиш тартиби, халқаро саёҳат қилишнинг амалдаги ҳужжатлари асосида амалга оширилади. Бунда, уларнинг ЭСЗ ҳудудида виза расмийлаштирувисиз бўлиш муддати беш кун этиб белгиланади;

“Қўқон” ЭСЗ ҳудудига вояга етмаганларнинг кириб-чиқиши шахсини тасдиқловчи тегишли ҳужжатлар асосида ота-оналари ёки улардан бири ҳамроҳлигида амалга оширилади.

9. Фарғона вилояти ҳокимлиги, Ўзбекистон Республикаси Қурилиш вазирлиги ҳамда Инвестициялар ва ташқи савдо вазирлиги билан биргаликда уч ой муддатда “Қўқон” ЭСЗнинг бош режаси белгиланган тартибда ишлаб чиқилишини ва тасдиқланишини таъминласин.

10. Ўзбекистон Республикаси Давлат активларини бошқариш агентлиги, Давлат божхона кўмитаси билан биргаликда Фарғона вилояти, Бешарик туманида ташкил этилаётган “Қўқон” ЭСЗ ҳудудида жойлашган Божхона кўмитасига тегишли бино-иншоотларни эркин савдо ҳудудини ташкил этиш ва жойлаштириш мақсадида “Қўқон” ЭСЗ балансига беминнат ўтказилишини таъминласин.

11. “Қўқон” махсус саноат зонаси” АЖга келгусида фаолиятининг ривожланиши инобатга олиб, “Қўқон” ЭСЗга ёндош ва туташ ҳудудлардаги ерлар ҳисобидан амалдаги қонунчилик талаблари асосида кенгайтириш ваколати берилсин.

12. Ўзбекистон Республикаси Энергетика вазирлиги, Уй-жой коммунал хўжалиги вазирлиги, Транспорт вазирлиги ва Ахборот технологияларини ва коммуникацияларини ривожлантириш вазирлиги, шунингдек Фарғона вилояти ҳокимлиги “Қўқон” эркин савдо зонаси ҳудудини муҳандислик-коммуникация, транспорт ва логистика инфратузилмаси билан узлуксиз таъминлаш бўйича тегишли чоралар кўриб борсин.

Ўзбекистон Республикаси Иқтисодий тараққиёт ва камбағалликни қисқартириш вазирлиги, Инвестициялар ва ташқи савдо вазирлиги, Молия вазирлиги, Энергетика вазирлиги, Уй-жой коммунал хўжалиги вазирлиги, Транспорт вазирлиги, Ахборот технологияларини ва коммуникацияларини ривожлантириш вазирлиги, “Ўзбекистон темир йўллари” АЖ ва “Ўзтрансгаз” АЖ ҳамда бошқа манфаатдор вазирликлар ва идоралар билан биргаликда жорий йилдан бошлаб ҳар йили Ўзбекистон Республикаси инвестиция давлат дастури ҳамда бошқа ривожлантириш дастурларини шакллантиришда «Қўқон» ЭСЗнинг йўл-транспорт ва муҳандислик-коммуникация инфратузилмасини ривожлантириш билан боғлиқ барча харажатларни марказлаштирилган молиялаштириш манбалари ҳисобидан амалга оширилишини таъминласин.

13. Ўзбекистон Республикаси Ташқи ишлар вазирлиги:

“Қўқон МСЗ” АЖ буюртманомаларига асосан, “Қўқон” махсус саноат зонаси иштирокчиси бўлган корхоналарнинг чет эллик ходимларига ва уларнинг оила аъзоларига Ўзбекистон Республикаси ҳудудига кириш, шу жумладан, кўп марталик визаларни консуллик ва бошқа йиғимларни ундирмасдан белгиланган тартибда расмийлаштирилишини;

Ўзбекистон Республикасининг хориждаги дипломатик ваколатхоналари билан биргаликда салоҳиятли инвесторларни жалб қилиш учун “Қўқон” махсус


саноат зонасида яратилган шарт-шароит, имкониятлар ва инвестиция салоҳиятини халқаро ишбилармон доираларда доимий равишда кенг ёритиб борилишини (тақдимотини) таъминласин.

14. Ўзбекистон Республикаси Ички ишлар вазирлиги “Қўқон МСЗ” АЖнинг буюртманомаларига биноан “Қўқон” МСЗ иштирокчиси бўлган корхоналарнинг чет эллик ходимларига ва уларнинг оила аъзоларига белгиланган давлат божини ундирмасдан вақтинчалик турар жойи бўйича рўйхатга олиш ва узайтирилишини таъминласин.

15. Мазкур қарорнинг ижросини назорат қилиш Ўзбекистон Республикаси Бош вазири А.Н. Арипов ва Ўзбекистон Республикаси Президенти маслаҳатчиси Р.А. Гулямов зиммасига юклансин.

**Ўзбекистон Республикаси**  
**Президенти**

**Ш.Мирзиёев**



Ўзбекистон Республикаси Президентининг  
2020 йил “\_\_” \_\_\_\_\_ даги  
ПҚ- \_\_\_\_\_-сон қарорига  
ИЛОВА

## **“Қўқон” эркин савдо зонасига кирувчи ҳудудлар РЎЙХАТИ**

1. Бешариқ тумани “Собиртепа” массиви ер майдонларини ичига оловчи саноат зонаси қуйидаги чегаралар билан:


шимолий томондан — “Андархон” божхона пости биноси ва иншоотлари;

жанубий томондан — “Асомиддинов Розик хожи” боғдорчилик йўналишидаги фермер хўжалиги ер майдони;

шарқий томондан — “Собиртепа” массиви қишлоқ хўжалиги дала йўли;

ғарбий томондан — “Асомиддинов Розик хожи” боғдорчилик йўналишидаги фермер хўжалиги ер майдони;

## КҮЧ ИРМАСИ



1. 姓名: 王明  
 2. 性别: 男  
 3. 年龄: 25  
 4. 职业: 教师  
 5. 籍贯: 浙江杭州  
 6. 民族: 汉族  
 7. 婚姻状况: 未婚  
 8. 学历: 本科  
 9. 毕业院校: 浙江大学  
 10. 工作单位: 杭州市教育局  
 11. 联系电话: 13800000000  
 12. 电子邮箱: wangming@163.com  
 13. 身份证号: 330101199801010001  
 14. 住址: 浙江省杭州市西湖区文三路100号  
 15. 邮编: 310000

**Бешариқ тумани ер ресурслари ва давлат кадастри бўлими бошлиғи:**

**Б. Насирдинов**